

SPORT – INSON KAPITALI RIVOJI VA MAMLAKAT IQTISODIY TARAQQIYOTINING ASOSIY OMILI SIFATIDA

MUXABBAT XALILOVA

pedagogika fanlari nomzodi, dotsent, Namangan davlat pedagogika instituti

Annotatsiya. Muallifning mazkur “Sport – inson kapitali rivoji va mamlakat iqtisodiy taraqqiyotining asosiy omili sifatida” nomli maqolasida bugungi kunning dolzarb muammolari yoritilgan, jumladan, sport inson salomatligi, sog‘lom turmush tarzi omili ekanligi, bu sohada kadrlar salohiyati, malaka oshirish tizimi, hamkorlik ishlari O‘zbekiston Respublikasi Prezidenti Sh. Mirziyoyevning “Yangi O‘zbekiston taraqqiyot strategiyasi” kitobida jismoniy tarbiya va sportni rivojlantirish masalasiga oid qarashlari, hozirgi vaqtda boks, dzyudo, erkin kurash, badiiy gimnastika, og‘ir atletika, shaxmat va boshqa sport turlari bo‘yicha O‘zbekistonda shakllangan maktablar, sportni jadal rivojlantirish, xalqaro musobaqalarda yuksak natijalarga erishgan sportchilarni rag‘batlantirish va qo‘llab-quvvatlash masalalari ilmiy nazariy va amaliy jihatdan tahlil etilgan.

Kalit so‘zlar: sport va jismoniy tarbiya, inson kapitali, salomatlik, kadrlar malakasini oshirish, ommalashtirish, zamonaviylik, siyosiy huquqiy jihatlari, boks, dzyudo, erkin kurash, investitsiya.

O‘zbekiston Respublikasi Prezidenti Sh. Mirziyoyevning “Yangi O‘zbekiston taraqqiyot strategiyasi” kitobida jismoniy tarbiya va sportni rivojlantirish masalasiga alohida e‘tibor berilgan. Sport sohasining bugungi kunda siyosiy–huquqiy jihatdan ifodalanib naqadar dolzarbli va aholi o‘rtasida ommalashtirish fuqarolarning sog‘lom turmush tarzini yaratish inson kapitalini ta‘minlashning asosiy omili ekanligi keltirib o‘tilgan.

Jamiyatda sog‘lom turmush tarzini qaror toptirish, jismoniy tarbiya va sportni yanada ommalashtirish dolzarb vazifalarimiz qatoriga kiradi. Sportni jadal rivojlantirish, xalqaro musobaqalarda yuksak natijalarga erishgan sportchilarni rag‘batlantirish va qo‘llab-quvvatlashga bundan buyon ham katta ahamiyat berishimiz lozim. Bugungi kunda mamlakatimizning barcha hududlarida, jumladan, eng olis tumanlarda ham zamonaviy va foydalanish uchun qulay sport infratuzilmasi barpo etilmoqda. Keyingi ikki yilda mamlakatimizda sport bilan doimiy shug‘ullanadiganlar soni ikki barobar ko‘paydi. Yurtimiz sportchilari turli xalqaro musobaqalarda mingdan ziyod medallarni qo‘lga kiritdi, ulardan 400 dan ortig‘i oltin medallardir. Hozirgi vaqtda boks, dzyudo, erkin kurash, badiiy gimnastika, og‘ir atletika, shaxmat va boshqa sport turlari bo‘yicha O‘zbekistonda shakllangan maktablar butun dunyoda ma‘lumu mashhurdir. Osiyo Olimpiya kengashi tomonidan 2025-yilda yoshlar o‘rtasida Osiyo o‘yinlari Toshkent shahrida o‘tkazilishi bo‘yicha qaror qabul qilingan. Bu mamlakatimizga bildirilgan katta ishonch va e‘tibor desak to‘g‘ri bo‘ladi.

Jismoniy tarbiya va sportni yanada ommalashtirish – aholi salomatligini ta‘minlashda muhim omildir.

Bu sohaga qaratilgan keng qamrovli ishlar natijasida aholini ommaviy sport turlariga jalb qilish orqali yillik qamrov hozirgi 19 foizdan 25 foizga yetkaziladi. Jismoniy tarbiya va sport sohasida izchil chora-tadbirlar amalga oshirilayotganini e‘tirof etish bilan birga, sohada qator muammolar va kamchiliklarning mavjudligini ham e‘tirof etadi.

Bu boradagi muammolarni hal etishda quyidagilarga alohida ahamiyat qaratish lozim ekanligi ta‘kidlab o‘tilgan.

1. Jismoniy tarbiya va sport sohasida aholining keng qatlamlarini sport bilan shug‘ullanishga va sog‘lom turmush tarzini yaratishga jalb etish, jismoniy sog‘lom avlodni tarbiyalash, sport industriyasi va infratuzilmasini rivojlantirish, oliy sport mahorati sohasida mamlakatimizning xalqaro sport maydonida munosib ishtirokini ta‘minlashga qaratilgan konseptual dasturlarni amalga oshirish;

2. Mahalliy davlat hokimiyati organlari, fuqarolarning o‘zini-o‘zi boshqarish organlari, jismoniy tarbiya va sport jamiyatlari, ta‘lim muassasalari, jamoat tashkilotlari bilan birgalikda aholi, ayniqsa, yoshlar o‘rtasida jismoniy tarbiya va sport bilan shug‘ullanishni ommalashtirish borasidagi keng ko‘lamli ishlarni shakllantirish tizimini takomillashtirish;

3. Bolalarni sport bilan muntazam ravishda shug‘ullanishga jalb etish, bolalar sport ta‘lim sifatini oshirish, barcha hududlarda, ayniqsa, qishloq va chekka hududlarda bolalar sporti

ob'yektlari tarmog'ini yanada kengaytirish orqali bolalar sportini yanada rivojlantirish;

4. Olimpiya, Paralimpiya va Osiyo o'yinlari, jahon, Osiyo chempionatlari va boshqa xalqaro musobaqa va turnirlarda muvaffaqiyatli ishtirokini ta'minlash uchun istiqbolli sportchilarni tanlash, tayyorlash va mahoratini oshirishning, ular orasidan mamlakat terma jamoalari sifatli sport zaxirasi va tarkibini shakllantirishning samarali tizimini yaratishda O'zbekiston Milliy olimpiya qo'mitasi, sport federatsiyalari (assotsiatsiyalari) bilan hamkorlik qilish darajasini yangi bosqichga ko'tarish;

5. Mamlakatimizda professional, ommaviy sportni, shu jumladan, sport o'yinlari va qishki sport turlarini rivojlantirishni rag'batlantirish va qo'llab-quvvatlash, ilg'or xalqaro tajribani hisobga olgan holda, sport tayyorgarligi jarayoni-ga zamonaviy texnologiyalarni joriy etish, barcha sport turlari bo'yicha milliy chempionatlar darajasi va sifatini oshirish, xalqaro va mintaqaviy musobaqalar tashkil etish, nosog'lom sport raqobatiga va taqiqlangan preparatlar ishlatishga qarshi tizimli choralar ko'rishni rag'batlantirish;

6. Jismoniy tarbiya-sog'lomlashtirish va sport tashkilotlari, ob'yektlari va inshootlarining ommaviy sport, bolalar sporti va professional sport yo'nalishlari bo'yicha moddiy-texnik bazasini rivojlantirish hamda mustahkamlash, ulardan maksimal darajada va samarali foydalanishni ta'minlash, sport asbob-uskunalari hamda inventarlarning mamlakatimizda ishlab chiqarishini tashkil etish va kengaytirish bo'yicha takliflar tayyorlashda qatnashish;

7. Jismoniy tarbiya va sport sohasida kadrlarni tayyorlash, qayta tayyorlash va malakasini oshirishni tashkil etish, jismoniy tarbiya – sog'lomlashtirish hamda sport tashkilotlarini, ta'lim va sport ta'lim muassasalarini yuqori malakali trenerlar va boshqa sport mutaxassislari bilan ta'minlash ishlarini yanada samarali tashkil qilish;

8. Jismoniy tarbiya va sport sohasida xalqaro va davlatlararo aloqalarni kengaytirish hamda mustahkamlash, xorijiy investitsiyalar va grantlarni jalb etish borasidagi ishlarni tashkil qilish, ommabop sport dasturlarini tashkil etishga ko'maklashish, jismoniy tarbiya va sport sohasiga oid ommaviy adabiyotlar chop etish, oldimizda turgan muhim vazifalar sirasiga kiradi [2];

Bugungi kunda O'zbekiston Respublikasi Prezidenti Sh.M. Mirziyoyev sportga berayotgan e'tiborlari tufayli dunyo reytingida salmoqli o'ringa ko'tarilib oldi.

Jumladan, ushbu sohani izchillik bilan rivojlantirishga qaratilgan qonun, Prezident farmon-

lari va Vazirlar Mahkamasining qator qarorlari jismoniy tarbiya va sportni turli yosh hamda qatlamga mansub aholining, ayniqsa o'sib kelayotgan yosh avlodni kundalik ehtiyojiga aylanib ulgurdi. Mamlakatimizda barcha islohotlarning mazmuni inson omilini rivojlantirishga qaratilmoqda. Chunki inson barcha boyliklarni asrovchi, yaratuvchi hamda takomillashtiruvchi hisoblanadi. Shuning uchun ham insonni har tomonlama rivojlantirish, uning imkoniyatlarini kengaytirish, shart-sharoitlar yaratish inson kapitalini rivojlantirib, ko'zlangan maqsadga erishishning dolzarb muammolardan biridir.

O'zbekiston Respublikasi Prezidentining 2018-yil 21-sentabrdagi "2019–2021-yillarda O'zbekiston Respublikasini innovatsion rivojlantirish strategiyasini tasdiqlash to'g'risida"gi PF-5544-sonli farmonida mamlakatning xalqaro maydondagi raqobatbardoshligi darajasini va innovatsion jihatdan taraqqiy etganini belgilovchi asosiy omil sifatida inson kapitalini rivojlantirish – Strategiyaning bosh maqsadidir deb alohida ta'kidlangan.

Inson kapitalini rivojlantirish zamonaviy taraqqiyotning asosiy omili ekan bu yo'lda barcha vositalarni, omillarni, manbalar va tuzilmalarni safarbar qilish kerak bo'ladi. Ayniqsa, inson salomatligiga alohida e'tibor qaratish, salomatligini ta'minlashga xizmat qiluvchi omillarni rivojlantirish, chora-tadbirlar ishlab chiqish hamda mavjud muammolarni o'rganib borish zarur hisoblanadi. Inson salomatligida muhim ahamiyat kasb etuvchi omillardan biri bu – jismoniy tarbiya va sportdir. Mamlakatimizda jismoniy tarbiya va sportni yanada ommalashtirish bo'yicha bir qator ishlar amalga oshirilib kelinmoqda. Bu borada malakali kadrlarni tayyorlashning sifatini oshirib borish zarurdir.

Bizga ma'lumki malakali mutaxassislarni tayyorlash bo'yicha bar qancha qarorlar qabul qilindi. Xususan, O'zbekiston Respublikasi Prezidentining 2017-yil 20-apreldagi "Oliy ta'lim tizimini yanada rivojlantirish chora-tadbirlari to'g'risida"gi PQ-2909-sonli qarori, 2018-yil 5-iyundagi "Oliy ta'lim muassasalarida ta'lim sifatini oshirish va ularning mamlakatda amalga oshiri-layotgan keng qamrovli islohotlarda faol ishti-rokini ta'minlash bo'yicha qo'shimcha chora-tadbirlar to'g'risida"gi PQ-3775-sonli qarori hamda jismoniy tarbiya va sport sohasida O'zbekiston Respublikasi Prezidentining 2017-yil 3-iyundagi "Jismoniy tarbiya va ommaviy sportni yanada rivojlantirish chora-tadbirlari to'g'risida"gi PQ-3031-sonli, 2018-yil 12-dekabr-dagi "Yosh-larni vatanparvarlik ruhida va

jismoniy tarbiya-lash hamda chaqiruvchilarni harbiy-texnik mutaxassisliklar bo'yicha tayyorlash tartibini takomillashtirish bo'yicha qo'shimcha chora-tadbirlar to'g'risida"gi PQ-4061-soni hamda Vazirlar Mahkamasining 2018-yil 5-maydagi "O'zbekiston davlat jismoniy tarbiya va sport universiteti faoliyatini tashkil etish chora-tadbirlari to'g'risida"gi 331-sonli, 2019-yil 7-yanvardagi "Davlat va xo'jalik boshqaruvi organlari hamda mahalliy davlat hokimiyati organlari xodimlarining jismoniy tarbiya va sport bilan muntazam shug'ullanishini tashkil etish chora-tadbirlari to'g'risida"gi 6-sonli qarorlari yaqqol misol bo'la oladi.

Bugungi kunda sog'lom turmush tarzi va jismoniy madaniyatni rivojlantirish dolzarb masalaga aylangan. Ayniqsa sportchilar ichida ham bu faoliyat turini mavqeyini saqlash xalq orasida to'g'ri fikr shakllantirish talabi qo'yilgan. Davlatimiz tomonidan sport sohasida qabul qilinadigan farmon va qarorlardan ham chuqur anglashimiz lozimki, ijismoniy tarbiya va sport inson salomatligi, kelajak ravnaqi uchun qanchalik muhim va dolzarbdir.

Aholining sportga bo'lgan madaniyatini shakllantirish uchun qo'yidagi vazifalarni amalga oshirish har birimizdan fuqarolik burchimiz bilan birgalikda kasbiy vazifalarimizdan biri sanaladi. Bu muammolarni hal etishda qo'yidagilarga e'tibor berish maqsadli va dasturli tarzda amalga oshirish ko'zlangan natijalarni beradi, jumladan;

1. Sportni rivojlantirishda shaxsning yosh xususiyatlarini inobatga olish;
2. Ayniqsa oilada sport turlarini shakllantirish;
3. Sportni faqat harakatlar bilan emas, tinch holatda ham bajarish organizm uchun foydali jihatlarini yangi turlarini shakllantirish;
4. Kasbiy sport va jismoniy mashqlar turlarini shakllantirish;
5. Ishxonalarda sportning ko'ngilli va majburiy turlarini shakllantirish bo'yicha dasturiy ta'minotini ishlab chiqish;
6. Har kungi faoliyat jarayonlarini sport turlari bilan boshlash;
7. Sport uchun har bir ishxonada alohida xonalar ajratish, inventarlar bilan ta'minlash;
8. Sportga motivatsiya beruvchi tadbirlar, uchrashuvlar "Salomatlik kunlari"ni har hafta kunlaridan kelib chiqib belgilash;
9. Sport turlarini keng ommaga targ'ib qilish maqsadida ommaviy axborot vositalari, gazeta va jurnallar, audio va video vositalaridan keng foydalanish;

10. Sport inson kapitalining bosh omili ekanligi haqida aholi o'rtasida ma'lumotlar turlari va reklamadan keng foydalanish;

11. Sportni rivojlantirishda hamkorlik ishlarini turli shakllaridan foydalanish;

12. Ayniqsa yosh bolalar va qariyalarni sport bilan shug'ullanishi uchun keng imkoniyatlar yaratish;

13. Xorij tajribasini o'rganish va amaliyotga targ'ib qilish;

14. Sport maktablarini har bir mahalla qoshida tashkil etish;

15. Aholini jismoniy madaniyatini shakllantirishga qaratilgan tadbirlarni joylarda soha mutaxassislari tomonidan tez-tez amalga oshirish;

16. Aholini bo'sh vaqtini sport bilan band bo'lishligini ta'minlash chora-tadbirlar rejasini ishlab chiqish.

17. Fuqarolar o'rtasida sportga motivatsiya uyg'otuvchi zamonaviy texnologiyalarni ishlab chiqib amaliyotga keng targ'ib etish;

18. Sportni aholi o'rtasida shakllantirish uchun investitsiya olib kirish.

Chunki sport kishilik jamiyati yaralgandan buyon har-xil shakli va mazmunidagi ko'rinishlari bilan, tarixiyli va umumbashariy global tarzda tashkil etilganligi azaliy qadriyat hisoblanadi.

Joylarda bolalar sportining bugungi holatini har tomonlama chuqur tahlil qilish jamiyatimizda sport madaniyatini rivojlantirish, mahalla, maktab, akademik litsey, kasb-hunar kollejlari-dagi jismoniy tarbiya o'qituvchisi va murabbiylarining bilimi va kasbiy saviyasini ko'tarish, mavjud muammolarni atroflicha o'rganish, mavjud imkoniyatlardan samarali va oqilona foydalanish, oilaviy musobaqalarni tashkil etish hozirgi kun talablaridan biridir.

Shuni unutmashimiz kerakki, bolalar sport bilan faqat o'zining jismoniy quvvatini tiklash va bo'sh vaqtini maroqli o'tkazish uchun emas, balki u orqali sog'lom turmush tarziga amal qilish, ma'naviy va jismoniy kamolga intilish turli salbiy ta'sirlar va zararli odatlardan xalos bo'lish kuchli iroda va xarakterni shakllantirish uchun shug'ullanishlari kerakligini ongli ravishda tushunib yetishlari kerak. Demak, ana shunday fazilatlarga ega bo'lgan shaxs bizga, hammamizga kerak, ota-onaga ham, ustoz murabbiylarga ham, mahalla faollariga ham, ishlab chiqarishni tashkil etuvchi mutaxassislarga ham, eng asosiysi bu fazilatlardan shaxsning o'zi birinchi navbatda manfaatdordir.

Yuqoridagilardan mantiqan kelib chiqib, bu tadbirga umumxalq tadbiri deb qarashimiz

bugungi kunning talabi bo'lmog'i kerak. Bunda asosan jismoniy tarbiya o'qituvchilari, sport murabbiylari va shu soha mutaxassislaridan fidoiylilik talab qilinadi. Bu soha mutaxassislaridan esa, eng avvalo, bolalarda sportga mehrni oshirish talab etiladi.

Bu yo'nalishda "Oila, mahalla, sport inshootlari, maktab" yagona bir tizim sifatida hamkorlikda ishlarni tashkillashtirishni ilmiy metodik usullarini, ya'ni bir tizim sifatida hamkorlikda ishlashni tashkil etish lozim. Bugun bolalar sportini tashkillashtirish va rivojlantirishga qo'shayotgan hissamiz, bolalarimiz o'rtasida bemorlar kam bo'lib, faqat o'zlarini chiniqtirish uchun ongli tarzda sog'lom turmush tarzini shakllantira oladigan jamiyatga kelishimiz shubhasizdir.

Sport bilan shug'ullanish faqat organizmda muhim biologik o'zgarishlar paydo qilibgina qolmay, balki shaxsning kishi ma'naviy dunyosini xarakterlovchi dunyoqarashlarini, axloqiy e'tiqodlarini, xarakter xislatlarini, odatlarini, didi hamda boshqa xislatlarini ham ma'lum darajada belgilaydi va qayta quradi.

Demak keng xalq ommasini jismoniy tarbiya va sport mashg'ulotlari bilan doimiy ravishda shug'ullantirish natijasida, ularning jismi ham, ruhi ham tetik bo'ladi, uning butun vujudi uyg'un tarzda kamol topadi. Uning o'y-xayoli faqat o'z iste'dodini namoyon etish, turli musobaqalarda g'alaba qozonish ishq bilan band bo'ladi. Shaxsni shakllantirish, boshqarish, nazorat xarakteriga ega bo'lib, bu borada belgilangan vazifalar tasodifiy harakatlar orqali emas, balki

oldinda belgilangan va puxta o'ylangan rejalar asosida hal etib boriladi.

Jismoniy tarbiya va sportni rivojlantirish har doim davlat va jamiyat oldida turgan dolzarb masalalardan biri bo'lib kelgan. Xalq salomatligining negizi jismoniy tarbiya va sportga qurilgan bo'lib, xalqning muntazam jismoniy tarbiya va sport bilan shug'ullanib borishi uning salomatligining tiklanib borishida muhim ahamiyat kasb etgan. Bu esa buyuk sarkardalarni, mard jangchilarni, sog'lom tafakkurga ega bo'lgan insonlarni yetishib chiqishiga xizmat qilgan. Juda qadim zamonlardayoq Markaziy Osiyoda mutafakkirlari va pedagoglar hech narsa insonda mehribonlik, haqgo'ylik, vatanparvarlik, tabiatning ekologik tozaligiga muhabbat kabi tuyg'ularni milliy o'yinlar va sport turlari kabi samarali tarbiyalay olmaydi, deb hisoblaganlar.

Ular bizning diyorumizda O'zbekistonning etnografik, iqlim, jug'rofiy, tarixiy, ma'naviy o'ziga xos sharoitlaridan kelib chiqib shakllangan. Ular xalqning minglab yillar davomidagi ijodiy faoliyatining natijasi hisoblanadi. Ularda mehnat faoliyati, ijtimoiy va kundalik tartib, turmush tarzi, madaniyat va e'tiqod o'z aksini topgan. Millatning shakllanishining butun tarixiy tadrijiyligi davomida o'sib kelayotgan avlodni jismoniy tarbiyalashning eng maqbul usullarini qo'llash muhim sanaladi. Xulosa qilib aytganda Yangi O'zbekistonni barpo etishda sport va jismoniy tarbiya inson kapitalini shakllantirishning asosiy va tarixiy omillaridan bo'lib sog'lomlashtirish ishlarini uzviy va izchil amalga oshirish aholi o'rtasida keng ommalashtirishga xizmat qiladi.

Аннотация. В статье рассматриваются актуальные аспекты влияния спорта на общество. Спорт выступает не только как источник укрепления здоровья, но и как инструмент формирования здорового образа жизни. Статья освещает систему подготовки специалистов в сфере спорта, а также акцентирует внимание на инициативах Президента Республики Узбекистан Ш. Мирзиёева, направленных на стимулирование развития физической культуры и спорта, что отражено в книге «Новая стратегия развития Узбекистана». Современный Узбекистан активно поддерживает разнообразные спортивные направления, включая бокс, дзюдо, вольную борьбу, спортивную гимнастику, тяжёлую атлетику, шахматы и многие другие. Авторы статьи предоставляют детальный научно-теоретический и практический анализ текущего состояния и тенденций развития спорта в Узбекистане, а также рассматривают меры поощрения и поддержки спортсменов, которые достигли выдающихся успехов на международной арене.

Ключевые слова: Спорт и физическая культура, человеческий капитал, здоровье, подготовка кадров, популяризация, современность, политико-правовые аспекты, бокс, дзюдо, вольная борьба, инвестиции.

Annotation. The article examines current aspects of the influence of sport on the society. Sport acts not only as a source of health promotion but also as a tool for developing a healthy lifestyle. The article covers the system of training specialists in the field of sports and also focuses on the initiatives of the President of the Republic of Uzbekistan Sh. Mirziyoyev, aimed at stimulating the development of physical culture and sports, which is reflected in the book "New Development Strategy of Uzbekistan". Modern Uzbekistan

actively supports a variety of sports, including boxing, judo, freestyle wrestling, artistic gymnastics, weightlifting, chess and many others. The authors of the article provide a detailed scientific, theoretical, and practical analysis of the current state and trends in the development of sports in Uzbekistan, and also consider measures to encourage and support athletes who have achieved outstanding success in the international arena.

Key words: *sports and physical culture, human capital, health, personnel training, popularization, modernity, political and legal aspects, boxing, judo, freestyle wrestling, investment.*

Foydalanilgan adabiyotlar ro'yxati:

1. O'zbekiston Respublikasi Prezidenti Sh.Mirziyoyevning "Yangi O'zbekiston Taraqqiyot Strategiyasi" O'zbekiston: Toshkent 2022-y. 207–209 b. [1-2-3-4-5];

2. O'zbekiston Respublikasi Prezidenti Sh.Mirziyoyevning 2017-yil 20-apreldagi "Oliy ta'lim tizimini yanada rivojlantirish chora-tadbirlari to'g'risida"gi PQ-2909-sonli qarori;

3. O'zbekiston Respublikasi Prezidenti Sh.Mirziyoyevning 2018-yil 5-iyundagi "Oliy ta'lim muassasalarida ta'lim sifatini oshirish va ularning mamlakatda amalga oshirilayotgan keng qamrovli islohotlarda faol ishtirokini ta'minlash bo'yicha qo'shimcha chora tadbirlar to'g'risida"gi PQ-3775-sonli qarori;

4. O'zbekiston Respublikasi Prezidenti Sh.Mirziyoyevning 2017-yil 3-iyundagi "Jismoniy tarbiya va ommaviy sportni yanada rivojlantirish chora-tadbirlari to'g'risida"gi PQ-3031-sonli qarori;

5. O'zbekiston Respublikasi Prezidenti Sh.Mirziyoyevning 2018-yil 12-dekabrda "Yoshlarni vatanparvarlik ruhida va jismoniy tarbiyalash hamda chaqiruvchilarni harbiy-texnik mutaxassisliklar bo'yicha tayyorlash tartibini takomillashtirish bo'yicha qo'shimcha chora-tadbirlar to'g'risida"gi PQ-4061-sonli qarori;

6. Vazirlar Mahkamasining 2018-yil 5-maydagi "O'zbekiston davlat jismoniy tarbiya va sport universiteti faoliyatini tashkil etish chora-tadbirlari to'g'risida"gi 331-sonli, 2019-yil 7-yanvardagi "Davlat va xo'jalik boshqaruvi organlari hamda mahalliy davlat hokimiyati organlari xodimlarining jismoniy tarbiya va sport bilan muntazam shug'ullanishini tashkil etish chora-tadbirlari to'g'risida"gi 6-sonli qarori;